

X.M.J. 28 Oktoobar 1961, lamba. 261

Dhisidda Guddiga Qorshaynta xagga isuduwigga horumarinta dhaqaale iyo bulsho.

MADAXWEYNAHA JAMHUURIYADDA

Markuu arkay qodobbada 81 faqradda labaad iyo 85, ee Dastuurka;

Markuu garwaaqsaday baahida loo qabo in la dhaqaajiyo diyaarinta, isuduwigga qorshayaasha iyo barnaamijyada xagga horumarinta dhaqaale iyo bulsho, ee Soomaaliya;

Markuu Aqoonsaday habboonaanta in ujeeddadaas darteed loo dhiso Guddi la-talin oo hoos taga Guddoonka Golaha Wasiirrada;

Markuu dhegeystay Golaha Wasiirrada;

Markuu tixgeliyey soojeedinta Wasiirka Kowaad;

WUXUU XEERAYAA

Qod. 1

Waxaa Guddenka Golaha Wasiirrada laga dhisay, ka xubin la-tashi, ee Xukuumadda, Guddiga xagga qorshaynta iyo isuduwigga, ee horumarinta dhaqaale iyo bulsho.

Qod. 2

Guddigu waxa uu qabanayaa xilalka soo socda:

- waxaa uu diyaarinayaa qorshooyin iyo barnaamijyo, xataa soconaya sanadyo badan, ee xagga horumarinta dhaqaale iyo bulsho, ee Soomaaliya;
- waxa uu cabbirayaa ráyi (talo) ku aaddan iuduwilda wixii waxqabadka ah oo ay Wasaaradaha ikhtisaaska u leh ka qabtaan maadadaas, iyo weliba Hayadaha iyo Ururrada ka hawlgala aagga dhaqaale iyo bulsho;
- waxa uu habeynayaa talooyin la xiriira wixii baahi ah, ee kaalmo lacageed, dhaqaale iyo farsamo xagga dibedda iyo wixii soo-jeedimo ah, ee xagga lagama maarmaannimada isuduwigga iyo ka-faaiideysiga uga mugga weyn;
- waxa uu dersayaa uuna qiimeynayaa kobaca horumarka dhaqaale iyo bulsho, ee Soomaaliya, asaga oo habeynaya soojeedimo xagga hirgelinta qorshooyinka iyo barnaamijyada la xiriira;
- waxa uu dersayaa uuna baarayaa arrin (dhibaato) kasta, oo u soo bandhigo Wasiirka Kowaad oo xagga majalka dhaqaale iyo bulsho.

Qod. 3

Guddigu waxaa uu ka kooban yahay:

- Wasiirka Kowaad Guddoomiye;
- khabiirka Qamaha Midoobay u jooga Soomaaliya, ee xagga arrimaha lacagaha iyo dhaqaalah – Guddoomiye Ku-xigeen;
- Agaasimaha Guud, ee Bangiga Qaranka Soomaaliyeed — Xubin
- Madaxa Waaxda Qorshaynta — Xubin
- hawladeen ka tirsan Wasaaradda Warfaafinta — Xubin
- hawladeen ka tirsan Wasaaradda Lacagta — Xubin
- hawladeen ka tirsan Wasaaradda Waxbarashada — Xubin

- hawladeen ka tirsan Wasaaradda Caafimaadka,
Xannaanada Xoolaha iyo Shaqada — Xubin
 - hawladeen ka tirsan Wasaaradda Hawlaha Guud,
iyo Isgaarsiinta — Xubin
 - hawladeen ka tirsan Wasaaradda Beeraha
iyo Cilmiga taranka xoolaha — Xubin
- Hawlaha Guddiga waxaa ka qaybgeli kara, kaddib casumaad ay ka heleen Guddoomiyaha ama Guddoomye Ku-xigeenka, dad khuburo ku ah maadada ikhtisaaska Guddiga.
- Xoghayaha Guddiga waxaa magacaabaya Wasiirka Kowaad, xataa dad ka baxsan xubnaha guddiga.

Qod. 4

Qorshooyinka iyo barnaamijyada uu Guddigu oggolaado waxaa loo gudbinayaa xafiis yada ikhtisaaska u leh xagga góaan ka gaaridda la xiriirta maalgelinta iyo fulinta.

Qod. 5

Guddigu waxa uu awood u leeyahay in uu soo saaro xeernidaamiye u gaar ah.

Qod. 6

Keerkan waxa uu dhaqangelayaa maalinta ku xigta maalinta lagu nashriyo Faafinta Rasmiga ah.

Muqdisho, manta oo ah 28 Oktoobar 1961.

Adan Cabdulle Cusmaan

Wasiirka Kowaad

Cabdirashiid Cali Sharmarke

Waa arkay waana Diwaangeliyey –

Diiw, lamba. 9, xaashi lamba. 79.

Muqdisho, 8 Noofember 1961.

Ku-xigeenka Hantidhowraha: **Cali Axmed Cumar**